

精校池北偶談

冊六

精校池北偶談

卷四

池北偶談卷十八目錄

談藝九之八 凡三十八則

明宣宗畫

張登集

神韻

周鑾卮言

中晚詩句

官銜

沈嘉客

七子三獨夫

王石丞詩

王義山詩

王承旨詩

慈恩塔詩

琉球二僧詩

敏速

東絹

鐵帆

題壁逸詩

論坡谷

婦人畫

朝鮮採風錄

梅詩

常棣叶韻

一鳴集

邵潛

名媛詩

二王詩畫

契丹大金二國志

杜注

盧延讓

陶季

詩三百非孔子所刪

石敬瑭家廟碑

魏野詩

徐曹詩

白洪厓

明史樂府

關中詩

無羊之什

卷六目畢

池北偶談卷十八

濟南王士禎阮亭著

談藝

明宣宗畫

高都姪廷掄簡菴較

予嘗見明宣宗畫重猿一軸有御筆題云鎮守廣西都督山雲所進圖中一橫木猿臂挂其上不解何謂一日予門人常熟錢玉友^辰從粵東來云嶺外有黑猿大不盈尺二臂相通寐則臂挂於橫木上一臂漸縮一臂漸長所謂通臂猿也乃知畫貴格物

婦人畫

近日婦人工畫者海甯李因是菴善畫松鷹及水墨花竹翎毛江陰周禮善人物花鳥其妹枯與之頡頏義烏倪仁吉秀水黃媛介皆工山水木石桐城方維儀工白描大士

張登集

國史補稱張登小賦有織成隱起往往慶金之狀據言亦云如慶金結繡而無痕迹王彥輔云曾在汴京相國寺得唐漳州刺史張登文集六卷權文公為序云詩賦之外雜文合一百二十篇又云永居寄別懷人三賦與證相一篇意有所激鏘然玉振然所得書肆鏤版裁六十六篇已亡其半彥輔欲續姚鉉文粹錄登之又不果惜哉

朝鮮採風錄

康熙十七年命一等侍衛狼暉頌孝昭皇后尊諡於朝鮮因令采東國詩歸奏吳人孫致彌副行撰朝鮮採風錄皆近體詩也今擇其可誦者粗載於此林悌詩十五越溪女羞人無語別歸來檢重門泣向梨花月^怨羸駢馱倦客日暮發黃州可惜踏青節未登浮碧樓佳人金縷曲江水木蘭舟寂寂生陽館孤燈夜似秋^{道中}白^光勳詩秋草前朝寺殘碑學士文千年自流水落日見孤雲^{弘景}偶因休浣到沙門把酒題詩古寺存紅藕一池風滿院亂蟬千樹雨連村深慚皓首從羈宦猶喜青山似故園聞說錦湖煙景異何時歸棹問真源^{奉恩}吳

時鳳詩地即黃岡勝官如玉局閑居然小雪日喚作此堂顏小堂金宏弼詩處獨居閑絕往還只呼明月照清

寒憑君莫話生涯事萬頃煙波數疊山懷趙昱詩十年長揜故山扉塵土東華幾染衣想得鑑湖春夜月子規

應喚不如歸贈鑑湖主人姜克誠詩江日曉未生蒼茫千里霧但聞柔櫓聲不見舟行處湖堂鄭碣詩遠沙上人

初疑雙白鷺臨風忽橫笛廖亮江天暮調成運詩江觸春樓走天和雪嶺圍雲從詩筆染鳥拂酒筵飛浮海知

今是趨名悟昨非松風當夕起蕭颯動荷衣樓西白光勉詩旅泊依村口重遊屬暮年鐘聲隔岸寺人語渡湖

船上兼葭遠烟橫島嶼連夜深風更急落雁不成眠晚津金宗直詩偶到仙槎寺巘空松桂秋鸛翻羅代蓋

龍蹴佛天幽細雨僧縫納寒江客嶺舟孤雲書常草獵獵滿池頭仙槎為訪招提境松間紫翠重青山半邊雨

落日上方鐘語共居僧軟杯隨客意濃頽然一榻上相對鬢蓬鬆佛國奇邁詩南山松栢幽北山烟霧深遊子

暮何之庭樹生秋陰歸雲高遙岑宿鳥棲前林幽懷香不極清風吹我襟五葉鄭道傳詩曉日出海東直照孤

島中夫子一片心正與此日同相去曠千載嗚呼感子衷毛髮豎如竹凜凜吹英風鳴呼魚無迹詩馬上蓬

新雪孤城欲開時漸能消酒力渾欲凍吟髭落日無留景栖禽不定枝灞橋驢背興應與故人期雪權應仁詩

結屋倚青嶂携瓶感盛碧溪徑因穿竹細離為見山低枕石中粘鮮蔬花屐印泥繁華夢不到閑味在幽栖山居趙

希逸詩春寒料峭酒微醒羈宦連年恨不平燈暗小牕聞馬嘶夢回孤枕數雞鳴祇憑吾友論交道欲向何人

說世情已判此身同許國與君終始寸心明次延曙都郵韻鴨水西邊是漢關天局地鏑限重灣荒烟亂磧麟州戍落

日孤雲馬耳山風定空江波激激雪消春郭溜潺潺思家未得平安字歸思惟應夢往還龍灣金丞詩楊花落

盡草萋萋楚客傷離思轉悽佳節一年寒食過亂山千疊子規啼虞翻去國身全老王粲登樓賦漫題想得天

涯回白首昭陽江上夕陽低寄李達詩二妃昔追帝南奔湘水間有淚寄湘竹至今湘竹斑雲深九疑廟日落

蒼梧山餘恨在江水滔滔去不還斑竹鄭士龍詩隨意攤書坐孤吟對晚暉岸風帆腹飽洲雨秋芽肥籬缺通江

色簾垂礙燕飛誰知采蘭節和病試春衣釋鄭之升詩細草開花水上亭綠楊如畫掩春城無人為唱陽關曲

獨有青山送我行留崔慶昌詩危石纔交一經通白雲千古秘仙踪橋南橋北無人問落木寒流萬壑同武陵

水崖依依楊柳多小船遙聽采蓮歌紅衣落盡秋風起日暮芳洲生白波采蓮曲柳永吉詩落葉鳴廊夜雨懸佛

燈明滅客無眠仙山一躡傷遲暮烏帽欺人二十年福泉寺金質忠詩常苦愁腸日九迴忽驚啼鳥報春來三年

藥物人猶病一夜雨聲花盡開世事紛紛難自了天機滾滾遞相摧平生久負凌雲氣悵悵如今半已摧病出湖堂

林億齡詩寂寞荒村隱少微蕭條石徑接柴扉身同流水世間出夢作白鷗江上飛山擁客牕雲入座雨侵書

榻葉投幃飄然又作抽簪計塵土何由化素衣送友還山崔壽城詩老猿失其羣落日古槎上兀坐首不回想聽千

山響題金淨詩江南殘夢日惓惓愁逐年華日日添雙燕來時春欲暮杏花微雨下重簾江南春思鄭知常詩桃花

紅雨燕呢喃繞屋春山間翠嵐一頂烏紗慵不整醉眠花塢夢江南後醉僣遜詩一夜山中雨風吹屋上茅不知

溪水長祇覺釣船高山中李植詩春風急水下輕艘朝發驪陽暮漢江篙子熟眠雙櫓靜青山無數過船牕泊漢

江權遇詩衙罷乘閑出郭西殘僧古寺路高低祭星壇畔春風早紅杏半開山鳥啼竹長寺許筠詩重簾隱映日

西斜小院迴廊曲曲遮疑是趙昌新畫就竹間雙鶴坐秋花晚吟朴瀾題平壤館壁西京古蹟詩三十首遺田儀

曹其六云檀下神人始此都至今遺廟古城隅不知當日阿斯達亦有攀髯墮者無一太師杖軼筆猶存舊事

鴻濛未足言惟有青山三尺墓東人須與孔林論二周家并制出鄒賢猶是其詳不得傳試向倉稊門外望平

郊十里是商田三丹絡元非赤土宜清泉何事涌中遶鹿盧汲取瓊漿飲千載令人說太師四高句驪起漢鴻

嘉宮殿遺墟草樹遮悵悵乙支文德死國亡非為後庭花五朝天片石出江潯麟窟苔封草樹深悵悵天孫何

處去野棠花發古祠陰六又送詔使還京師詩序並載於左皇上紀元之十七年戊午上駟武備二大人

頌大行皇后諡於下國時則不佞謬膺寡君傾命之托馳近龍灣因護其行抵王京二大人傳宣帝命以

寡君有疾停郊迎儀前度使臣之回奏也小邦君臣且感且悵惟是飲冰之行莫肯虛徐請少留而不可得時

值大歉公和未立殆不能備供億之禮二人大人大加盡傷一草浮費所索者惟詩文與書法而已寡君命朝紳

或製或寫以應臺中所齋蕭然若寒士前此所未有也武備公仍將兩朝宸翰示不佞暨都監諸官其書曰
正大光明者即先皇帝筆今皇帝手書跋尾者也其曰清慎勤今皇帝筆也生龍活蛟之蜿蜒

銀鈎鐵畫之勁健真可以參造化驚風雨跋語珠光玉潔自有不可掩之華蓋公世懋勳庸錫予蕃庶最以此珍玩不以出疆而舍之云海外鯢生非蒙天使眷顧則亦何途之從而獲此大觀也哉自臨境至回旆首尾四十有二日不佞又伴至鴨綠江上大人徵詩若序要作他日不忘之資顧不佞素短於章句重以筮仕數十載勞攘簿書拋棄翰墨自慚不足以副大人之勤教也辭之益固命之益懇因絕叙其繁兼呈篇什以供一粢云爾詩五言十韻有云紙上風雷隱毫端造化奇城路風旌寧滄江鼓角悲云伴送使憲大夫行司憲府大司憲兼成均館大司成廣州後人歸巖李元楨

致獨後登成辰進士改庶吉士

神韻

汾陽孔文谷獻云詩以達性然須清遠為尚薛西原論詩獨取謝康樂王摩詰孟浩然韋應物言白雲抱幽石綠篠媚清漣清也表靈物藹藹真誰為傳遠也何必絲與竹山水有清音景辰鳴禽集水木湛清華清遠兼之也總其妙其神韻矣神韻二字予向論詩首為學人拈出不知先見於此

梅詩

宋梅聖俞初變西崑之體予每與施愚山侍讀言及宛陵集施輒不應蓋意不滿梅詩也一日予曰扁舟洞庭去落日松江宿此誰語愚山曰韋蘇州劉文房即予曰乃公鄉人梅聖俞也愚山為爽然久之

周嬰厄言

周嬰字方叔莆田人撰厄林十卷援據該博偶記其數條可資詩話者如石尤風元相詩罔象睢盱頻逞怪咄石尤翻動忽成災義山古意詩去夢隨川后來風竚石郵以石郵對川后蓋奇相飛廉之屬○又古 惜歌乘適今日賜誰當仰視之引方言云賜盡也潘岳西征賦若循環之無賜維摩詰經如來鉢飯悉飽眾會猶故不賜太平廣記引啓顏錄山東人謂盡為賜是也又光明經食已飽足餘不消渴渴與賜同予按集韻餽盡也見釋典渴澣水門南史有石渴杼山詩應思石渴訪泉春石渴清心胸不云盡義○又楊用修曰唐人云君苗無姓宛委餘編曰君苗姓應場之從弟見文選注非也按陸雲與兄平原書云前作登臺賦極未能成而崔君苗

作之又云君苗作愁霖賦極佳見兄文輒云欲燒筆研曹志苗之婦公其婦與兒皆能作文頃借其釋詢二十七卷當百餘紙寫之則君苗清河族也休璉與陸相距且百年其從弟安得尚存復修少年鉛槧事耶○又高似孫緯略金樓子云劉子玄為水仙花賦時人謂不減洛神予固不敢望知幾云按金樓子者梁元帝也劉子玄知幾也知幾在證聖中作史通二十卷後以名類玄宗改名子玄在元帝後百餘年矣御覽引金樓子云劉休玄為水仙賦云是南宋南平王鑠也水仙乃水上神女陶弘景亦有賦高氏以休玄為子玄以水仙為花名豈不謬歟此類數十條皆足解頤胡元瑞陳晦伯作正楊筆叢等書以駁用修方叔作廣陳諗胡尤為楊氏功臣予按以休玄為子玄正如書家以劉德升為景升也

常棣叶韻

詩常棣兄弟闕于牆外禦其侮每有良朋丞也無我劉原父七經小傳云戎疑作當戎戎亦禦也吳才老補音云務字古人讀作蒙疑侮當作蒙以叶戎章子問載朱子云戎汝二字古人通用是叶音汝也如南仲太祖大師皇父整我六師以修我戎亦叶汝也予按二說當以原父為長

中晚詩句

北齊房君豹有山池在歷城參軍尹孝逸將還鄴詞人餞宿於此自為詩曰風淪歷城水月倚華山樹時人以比謝氏此自北齊詩詩紀詩數誤作中唐且訛華山為華陽方叔正之是矣至云猿啼洞庭樹人在水蘭舟句格近六朝而方叔疵之謂是晚唐面目則謬甚矣郡皇甫少玄百泉兄弟論詩以此二語為五言極則藝苑流傳焉可誣也

一鳴集

唐司空圖一鳴集十卷雜著八卷碑版二卷前有自序云所撰密史別編又有絕麟集述亦其自著也其與王駕論詩曰國初雅風特盛沈宋始興之後傑出於江甯宏肆於李杜右丞蘇州趣味澄夏如清沈之質達大曆十數公抑又其次元曰力勅而氣孱乃都市豪估耳又與李生論詩曰江嶺之南凡是資於適口者若醯非不

酸也止於酸而已若醴非不鹹也止於鹹而已酸鹹之外醇美者有所之耳王右丞韋蘇州澄澹精緻格在其
中豈妨於適舉哉晚唐詩以表聖為冠觀此二書持論可見其所詣矣

官街

官街二字習俗相沿不識其義家語禮運篇云官有街職有序注街治也執轡篇云古之街天下者以六官總
治焉故曰街四馬不執六轡街天下者正六官官街之義本此封氏間見記云銓曹聞奏之時先書舊官於
前次書擬官於後使新舊相銜不斷如人口銜物又如馬之有銜以制其首古人謂銜尾相屬即其義也此臆
說殊無所據

邵潛

邵潛字潛夫自號五岳外臣南通州人性傲僻不諧俗好嫚罵人人多惡之及與李本甯鄒彥吉黃貞父陳仲
醇諸公遊所著友誼錄循吏傳印史諸書多可傳者年五十無子娶後妻成久之嫌其貧老棄去一婢又為勢
豪所奪遂隻身客如臯城西門年八十矣康熙己子過臯訪之茅屋三間黝黑如漆邵筋骨如鐵白髮鬢髮
被領雙眸炯然具果毅留予飲尚盡數觴與修楔冒氏沈鉢池尚能與予輩賦詩陳其年雖云古今文人多窮
然未有如邵先生者聽其言愴然如劉孝標所自序也予去廣陵聞邵即以是歲下世矣

沈嘉客

沈嘉客字無謀河間故城人居鄭口性孤迥有潔癖與州德盧德水侍御世臨清汪未央孝廉軾交好以詩相
倡和於吳交姚孟長歸楊子常義顧麟士夢於梁交吳讓伯伯徐霖蒼作與容城孫鍾元琦尤善中年作閑闕
疏送客不出離落一畝之宮花竹清深圖書充牣縣令至必式盧復其徭役年八十餘乃卒予嘗愛其一絕云
淮南作客逢春雨破帽疲驢幾日程六合城南呼舢艫綠陰相送到南京

名媛詩

周嬰方叔極稱辨博然有不必辨者如銓鍾辨文明太后青臺雀歌杜蘭香贈張碩詩數條不知名媛詩歸乃

吳下人偽託鍾譚名字非真出一公之手何足深辨又向來坊間有明詩歸更俚鄙可笑亦託名竟陵又足辨耶○坊刻又有皇明通紀亦託名鍾惺內載左都御史曹思誠為魏忠賢建祠事曹近刊究揭云與惺素無仇怨惺何不自惺等語不知惺歿於天啟乙丑而坊賈偽託之也曹氏遍題京師與鍾為難可發一笑此康熙二十年事去鍾之歿已五十七年矣

七子三獨夫

陸機五等諸侯論六臣犯其弱網七子衡其漏網呂向注七子謂吳王濞七國劉更生傳春秋地震為在位執政太盛也不為三獨夫動亦明矣師古曰獨夫猶言匹夫也七子三獨夫皆奇文

二王詩畫

金陵王槩字安節善畫山水其兄蒼字逆草工花卉翎毛兄弟皆能詩往往可誦著本名尸槩本名丐後改今名嘗見槩兩篇云虛牕吮筆臨秋水葭菼蒼蒼冷到天為愛芙蓉江月好小亭長伴鷺絲眠又潯陽江水抱城流庾亮曾經此地遊亦是新涼當八月遂教高會擅千秋風騷接席無今古喬梓凌雲富唱酬傑閣共傳詩句好飛揚興不減南樓槩詩人方文爾止增也

王右丞詩

世謂王右丞畫雪中芭蕉其詩亦然如九江楓樹幾回青一片揚州五湖白下連用蘭陵鎮富春郭石頭城諸地名皆寥遠不相屬大抵古人詩畫只取興會神到若刻舟緣木求之失其指矣

契丹大金二國志

契丹國志二十七卷宋淳熙七年秘書丞葉隆禮奉詔撰進其書帝紀十二卷后妃諸王外戚傳三卷列傳四卷石晉降表宋澶淵誓書闕南誓書議割地界書共一卷南北朝饋獻禮物外國貢獻一卷四京州縣沿革一卷風俗官制科舉等一卷王沂公富鄭公行程錄一卷張舜民使北記等一卷諸番雜記歲時雜記二卷又大金國志四十卷宋端平元年訪西歸正人改授承事郎工部架閣宇文懋昭上其書帝紀二十六卷開國功臣

一卷文學二卷張邦昌錄一卷劉豫錄一卷立偽楚偽齊冊文宋宗室隨二帝北狩一卷兩京制度陵廟儀衛官制科舉兵制等四卷兩國誓書一卷京府州縣一卷初興風俗一卷許亢宗行程錄一卷金志記載與南遷錄多相合與史多謬其文學傳則全節取元好問中州集或云宋人偽造似也契丹志簡淨可觀金志則仿其書而為之者耳

王義山詩

予嘗謂劉後村詩好用本朝人事近見宋末王義山稼村集效顰尤可厭如爭道老泉生二秀最難錦水又三劉師魯僅存遺集在樂天無限故人思田園彭澤菊三逕意思瀟溪草一般上帝遣符徵范鎮斯民失怙哭溫公梅花牕下衆同契綠草庭前太極圖榜文爭看乖崖押士類歡呼常袞來已無許令衆後社庭堅端的是前身有時覓句尋歐約不慣斟羔學党家此真下劣詩魔惡道空出矣宋末如王義山何夢桂之流酸腐庸下而詩文獨傳至今文之傳不傳信有命耶

杜注

錢牧齋注杜王宋紹興吳若季海本若自序云凡稱樊者樊晃小集也稱晉者開運二年官書也稱荆者王介甫四選也稱宋者宋景文也稱陳者陳無已也稱刊及一作者黃魯直晃以道諸本也又宋胡仔苕溪漁隱云子美集予所見者凡八家杜工部小集則潤州刺史樊晃所序也注杜工部集則內翰王原叔洙所注也吳彥高集云是元祐間秘閣校對黃本高集卿忠臣慎思所注託名原叔改正王內翰注則王甯祖也補注杜工部集則學士薛夢符也校定杜工部集則黃長睿伯思也重編少陵先生集并正異則東萊蔡興宗也注杜詩補遺正謬集則城南杜田也少陵詩譜則縉雲鮑彪也

王承旨詩

宋刻鑒戒錄載前蜀興聖太子隨軍王承旨失其詠後主出降詩蜀朝昏主出降時街壁臺羊倒繫旗二十萬軍齊拱手更無一箇是男兒此與花藥夫人詩大同小異必有一誤此詩能改齋漫錄亦兩載之

盧延讓

何光遠鑒戒錄載王蜀盧侍即延讓獻王建詩卷中有栗爆燒檀破猫跳觸鼎翻之句後建與潘峭在內殿平章邊事令宮人於爐中煨栗栗爆出燒損繡褥子建多疑每於爐中燒金鼎子惟徐妃二妹妹侍茶湯而已是夜宮猫誤觸鼎翻建曰栗爆燒檀破猫跳觸鼎翻憶延讓詩有此一聯先輩裁詩信無虛境來日遂有六行之拜自給事工部以俚鄙之詞獲邀顯擢與孟公松月夜牕虛迥異如此人生窮通豈非命乎或云是盧延遜獻宋太宗詩潘峭作潘美

慈恩塔詩

元白因傳香於慈恩寺塔下忽覩章先輩八元詩吟咏竟日悉令除去諸家之詩惟留章作其五六句云迴梯暗踏如穿洞絕頂初攀似出籠殊不成語不知元白何以心折如此盛唐高岑子美諸公同登慈恩寺塔賦詩或云秋色從東來蒼然滿闕中五陵北原止萬古青濛濛或云秋風昨夜至秦塞多清曠千里何蒼蒼五陵鬱相望或云秦山忽破碎涇渭不可求俯視但一氣焉能辨皇州杜此是何等氣概視章作真小兒號嘍耳每思高岑杜輩同登慈恩塔高李杜輩同登吹臺一時大敵旗鼓相當恨不廁身其間為執鞭弭之役

陶季

寶應布衣陶徵字季一字昭萬有著舟車集予為刪定其客胡南閩中諸詩多似高岑龍標今日一作手也過東阿曹子建墓有句云可憐衰草地猶是建安人為時所稱

琉球二僧詩

琉球天王寺有僧號瘦梅道人賦七夕詩云陶公簾外赤龍下漢武殿前青鳥來又萬松院僧不羈有詩云黃葉落三徑白雲歸數峯予門人汪翰林舟次楫林舍人石來煇康熙癸亥奉使其國見之石來有詩云瘦梅道者人不識梵夾吟題簷兩扇賦得赤龍青鳥句樊南甲乙可同傳浮屠亦有不羈人祇樹蕭蕭絕世塵唐體詩中風格好白雲黃葉鬪清新

詩三百非孔子所刪

孔子但正樂使各得其所而已未嘗刪詩觀自衛返魯可見且一則曰詩三百再則曰誦詩三百家語對哀公問郊亦曰臣聞誦詩三百不可以一獻知古詩本來有三百篇非孔氏自刪定也又左傳列國卿大夫燕饗賦詩率皆三百篇中之詩多在孔氏之前其非夫子手刪了然可見葉水心習學記言云史記言古詩三千孔安國亦言刪詩為三百篇按詩周及諸侯用為樂章今載於左氏者皆史官先所采定就有逸詩殊少矣不待孔子而後刪十取一也論語稱詩三百本謂古人已具之詩不應指其自刪者言之也輔廣亦謂司馬遷言古詩三千傳聞之誤其說與予見略同

敏速

南唐近事載處十史虛白嘗對客奕旁令學徒四五輩各秉紙筆先定題目隨口而書略不停綴數食之間眾製皆就封氏聞見記雒縣尉張陟在中書日試萬言令善書者三十人各操紙執筆俱占題目身自巡席依題口授周而復始午後詩筆俱成得七千餘字唐詩紀事長沙王璘日試萬言崔詹事廉問表薦於朝先試之璘請十吏皆給筆札璘口授十吏筆不停綴首題黃河賦三千字復為鳥散餘花落詩二十首皆可謂敏速矣又韋臯嘗於二十四化設醮請符載撰齋詞於時飲摩訶池上載命小吏十二人捧硯人分兩題緩步池間各授口古其敏如此

石敬瑭家廟碑

朱簡討云曾於廟市見五代石敬瑭家廟碑梁周翰撰文翰雖不甚工亦是古物惜未購之此碑石今不知所

東絹

蜀鹽亭縣有鵝溪縣出絹謂之鵝溪絹亦名東絹子美詩我有一疋好東絹是也周紫芝詩百尺寒松老幹枯韋即筆妙古今無何如莫掃鵝溪絹留取天吳紫鳳圖此雖諸謔然北征自作於赴行在時而題韋偃畫松則

在入蜀之後固不可同日語也

魏野詩

宋小說載魏野同寇萊公遊陝郊某寺詩云若得時將紅袖拂也應勝似碧紗籠相山野錄云漆蘇長安名姬也孫僅尹京兆日野寄詩云見說漆蘇亞蘇小隨軒應是珮珊珊孫愛之以示漆蘇喜如獲寶求善筆札者大署其詩於壁野以事抵長安孫邀置府宅人未之知也有好事者與密過漆蘇家見其風貌曾直固不前席野忽舉頭見壁所題乃索筆於側別紀一絕云誰人把我狂詩句寫向漆蘇繡戶中閑暇若將紅袖拂還應勝得碧紗籠漆蘇始知是野大加敬禮二說不同

鐵帆

僧鐵帆能詩順治末予官揚州鐵帆住水蘭寺劉吏部公猷聞之寄予書云是天寒衣衲重鐵帆耶天寒衣衲重乃粵僧一靈句公猷誤記耳東坡在黃日參寥往視之京師士大夫寄書云聞有僧在彼是隔林彷彿聞機杼和尚耶坡笑語參寥云此是吾師七字號公猷帖全用此語

徐曹詩

徐禎卿洞庭葉未下蕭湘秋欲生一篇非太白不能作千古絕調也曹學佺亦有秦淮送別一篇云疎籬豆花雨逐水秋蘆烟忽弄月中笛欲開江上船情致殆不減徐徐五集中有一絕云渺渺太湖秋水闊扁舟搖動碧琉璃松陵不隔東南望楓落寒塘露酒旗曹一絕可以相敵新林浦云夾岸人家映柳條玄暉遺跡草蕭蕭曾為一夜青山客未得無情過板橋

題壁逸詩

予少時與先兄考功同上公車每到驛亭輒題素壁筆墨狼藉率不存稿逸去多矣數年來往往從友人口中得之恍忽如夢不忍盡割略記於此河口花明錦纜春研縑綾子領邊巾不知何事牽僂思欲登紅箋賦洛神

徐隱君求藥嘗口誦此詩

彭少華孫適義門誦之

關河連夜

雨驛路一聲蟬湯右曹西屋王風迴即閣聞鈴鐸日落關山見戍旗彷彿夢中尋蜀道打包身度棧雲西徐學士健

路蜀山行王君題句成先識天遠才人過錦城往迹流傳本事詩廿年如夢不堪思重來頭白風情盡誰記巡

檐繞柱時定謂之叔趙北燕南水四圍此中避地可忘機垂垂災實迎秋熟拍拍鷗羣接翅飛蟹舍都連黃幾

舫釣人相映綠蓑衣淮南小別今三載魚稻珠湖願竟違曹孫酒未城烟榜旅舍曰漁洋詩屋

白洪厓

先世父侍御公崇禎中巡視茶馬作西巡雜詩數十首有云不須赤打白洪厓予幼誦之不解為何語頃見丁謂戲白稹詩云五百青蚨兩家缺赤洪厓打白紅厓蓋用此

論坡谷

許彥周詩話云東坡詩不可輕議詞源如長江大河飄沙卷沫枯槎東新蘭舟繡鷁皆隨流矣珍泉幽澗澄澤靈沼無一點塵滓只是體不是江河耳林文軒論蘇黃云譬如丈夫見客大踏步便出去若女子便有許多粧裹此坡谷之別也

明史樂府

長洲尤展成侗晚以博學宏詞入史館在局中仿李西涯體作明史樂府百篇佳處殆不減李今略載數首於此作佳傳云入學宮辭孔子衣帶題詩自經死出史局別同官官方飼豬不暇看一死一生交情見留與若翁作佳傳閣門使云閣門使鐵簡賜谷長史兼理六王事當局不敢讓臣詎應如是殿下百世後難逃一箇字下詔獄徽髮死嗟乎此真文成子張辟疆豚犬耳生程濟云為忠臣為智士死高翔生程濟身免乎軍中祭君免乎宮中刺君乘車臣執轡君登舟臣操柁寒則燎衣飢持糲四海從亡多故人道旁相見惟流涕萬水千山風復雨金君還上金陵去天外龍蛇有日歸鴻飛豈意不知處靖難云七國反誅家令灌將軍出山東定北平起討齊黃書國公出金陵亡建文君非景帝燕王亦非吳王濞靖難雖然百戰功成敗何常總天意太祖生男上十五為王為庶知誰王燕子高飛上帝畿紇千凍雀無毛羽可憐高煦亦英雄頃刻燒死銅缸中威武大將軍

云平陽侯張公子威武大將軍三君一轍耳漢家天子自待邊大同宣府往復還朕稱將軍封萬戶驃騎當屬
江與錢旌旗獵獵向北駐樓船搖搖望南渡豹房家裏樂未終更覓春江花月處朝登牛首山夕宿鳳皇臺鄱
陽凱歌何雄哉戎服簪花金銀牌揚鞭却指隋堤笑一特江都竟不回大禮云明倫典問誰作唱者璉和者萼
筆者方削者霍浹與綰唯且諾天子有私臣朝中皆黨人武夫何知咄郭勛配爾祖英烈傳中山曙昭開平歎
根本慧云根本慧腹心慧門庭慧羣妖掃地偷龍瞞慧未退今字將至大馮君小馮君忠臣孝子出一門刺血
上書動至尊但看六月飛霜雪君門之慧乃可滅河套冤云嚴夏兩家雞相鬪曾銑仇鸞分左右嚴難方勝夏
雞孤銳欲効鸞胡為乎套求復身先死朝璽書暮西市將軍橫尸何足言宰相駢首當無冤君莫哭君不見朱
仙鎮上風波獄長生藥云五利戮文成死致一真人上天去復有紫府神雷雷高士天子齋居日夜禱祠相公
宿直爭獻青詞褚衣半道斷首滿稽殺人媚天修玄奚為四十五年元氣削王金方進長生藥海瑞疏云世宗
在位四十五建言諸臣盡圖土木年乃有海瑞疏直計乘輿千上怒擲地不已遷殿步忠臣豈肯逃亡去大行
賓天應釋汝獄吏酒有相勞苦但願飽啖得死所誰知晏駕驚聞計此日方看臣哭主當時尚擬子罵父逐新
鄭云華亭去分宜江陵逐新鄭賢否故懸殊門戶總同豐主少國疑賴元老一留一去由馮保宰相跟踉出午
門先皇顧命寒秋草大臣獄起重驚倒不憐身歿無遺表夫人泣涕致相公敬為故夫獻微寶富貴何常忽易
人江陵簿錄還如掃噫嘻乎前人跌後人滑古來名位多相軋死姚崇算生張說趙高傳云委鬼當頭坐茄花
滿地紅趙嬈曹節竟私通涿州道上馬游龍月華門前車鬪風內樞搥鼓鳴刀弓行狴狴血朝班空祠堂昭德
兼崇功乾兒義子多如蟲讀史至此再三歎殆哉岌岌將作難滿朝彈章君不見中宮獨看趙高傳

閨中詩

淄川表孝廉松蘿諸名士也以康熙癸卯冠禮經壬戌尚困公車閨中賦詩云二十年前古戰場卧聽譙鼓夜
茫茫三條畫燭連心熱一徑寒風透骨涼苦向繡塵埋鬢髮憑誰青眼託文章明宵別後長安月偏照河橋柳
萬行武康陳孝廉與公之吟之至泣下是科竟下第乙丑病壘卒